

1^{MA} SESSIONE STRASURDINARIA DI U 2023
26 E 27 DI GHJENNAGHJU
1^{ERE} SESSION EXTRAORDINAIRE DE 2023
26 ET 27 JANVIER

N° 2023/E1/006

**Question orale déposée M. Jean-Baptiste ARENA
au nom du groupe « Core in Fronte »**

**UGETTI : DI PETTU À A SPICULAZIONI, CHÌ PRUTIZZIONI PAR I NOSCI
PASCIALI.**

Pochi ghjorni fà, 'emu missu in rilievu un altru prughjettu di spiculazioni immobiliare e di spussessu fundiaru nant'à a cumuna di Sotta. Stu prughjettu trova piazza in cori di u pasciali di Burivuli e pon'a quistioni di u so avvena, oramai ben' intaccatu da logichi spugliatrici, purtati da ricchoni d'altrò...

Ramintemu chi a prumuzioni « Les hauts de Borivoli » si custituisci di cinque casamenta incù piscina vinduti 1 500 000 l'una.

Ramintemu dinò chi a cumuna di Sotta porta in tarra soia parrechji pasciali chi sò Matinedda, Canavaghja, Cuo, Biaculonu, l'Astretu, Capreddu, A Vacca, Ramata, Rinaghjolu, Raghinu, Baldaravita, Petralunga Bisunghjoli, Novu, Chera, Cancaraccia, Salva di Levu, Aquadilici, Scaledda, Purgu, Cardetu, Petra Longa Salvini, Bitalza, Ciumbulara, Coghja, Paltanaghja, Valavu, Usciolu, Paraghjolu, Pastiddosu, A Crucedda, Aquadilici, Muscatoghju, I Scaleghji, Afretu, e ben sicuru Burivuli.

Sti pasciali, ch'iddi sighini in Sotta o in altrò, portani in eredità a storia di ciò chi no simu, d'un puntu di vistu umanu, suciali, famiddiaru e culturali.' Dumandani una pulitica di cunsiderazioni chi s'iscrivu in una cuntinuità paisana.

Si u dispusitivu ghjuridicu di u sistema, particularmenti in u quadru di u Pianu Lucali d'Urbanisimu parmetteria una certa presa in contu sottu cundizioni, un impedisci in i

logichi d'assistamentu chi si mettini in ballu prughjetti immobiliari di natura speculativa chi distrughji i spazi naturali .

Hè piu chè tempu di strappà veri puteri legislativi chi ci parmittarani da par noi d'edificà piani paisani di svillupu e d'assistamentu chi assicura in u so dispositivu, prutezioni di i nosci paisiali e rigulazioni urbanistica.

Qualchi settimane fa hè statu missu in opara un gruppu di travaddu pà sustena i cummuni in uperazioni in favori di una prima accissioni à a pruprietà incù reguli forti. Un iniziativa chi no avemu dumandatu, chi no salutemu è à a quali peticipemu. Ma ci voli d'andà ancu più luntanu.

Chì cunteti di fà par pruteghja, valorizzà è prumova i nosci storichi paisiali ?

Chì cunteti di fà par impidiscia prughjetti di spussessu è di speculazioni in i nosci paisiali ?

Chì cunteti di fà par parmetta incù forza a stallazioni di i nosci paisani, ghjovani o. nò chi oghji patini di un pudé campà e travvadà incu dignità in tarra soia ?

Par contu nosciu, sta tarra hè noscia è nessun ci pò pratenda.

À ringrazià vi.